

## ŽENSKI KOŠARKAŠKI SUSRET

5. KOLO MŽRKL



**KŽK ČELIK**  
*Zenica*

Ponos grada Zenice - košarkašice Čelika - dočekuju klub slavnog imena - beogradsku Crvenu zvezdu. Bodrite naše djevojke protiv velikog rivala - Crvene zvezde. Vrhunski ugođaj u Areni, uz izvrsnu košarku i zabavu.

**Okušajte se i sami u nagradnim igrama  
„POGODI TRICU ZA PIZZU“ i  
„POGODI S CENTRA I PUTUJ“.**

**Utakmica koju ne smijete propustiti.**

**BUDIMO ZAJEDNO PONOS GRADA ZENICE!**




**KKŽ CRVENA ZVEZDA**  
*Beograd*

SPECIJALNI GOSTI:



**GRADSKA ARENA ZENICA  
ČETVRTAK 28. 11. 2013. U 18 SATI, ULAZ SLOBODAN**


**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON**



*Svim građanima  
Zeničko-dobojskog  
kantona čestitamo  
  
25. novembar  
Dan državnosti  
Bosne i Hercegovine*

Skupština i Vlada Zeničko-dobojskog kantona

**OPĆINA ZENICA**



*Sretan  
25. novembar,  
Dan državnosti  
Bosne i Hercegovine*

**OPĆINA ŽEPČE**



*Svim građanima čestitamo  
25. novembar,  
Dan državnosti  
Bosne i Hercegovine*

## PREDSTAVLJAMO: BHM d.o.o. ZENICA

# Skoro dvije decenije uspješnog rada u oblasti edukacije i konsaltinga

BHM d.o.o. Zenica je privatno preduzeće koje je još 1994. godine u saradnji sa SOROŠ Otvorenim društvom počelo djelovati na realizaciji projekata obuke učenika osnovnih i srednjih škola. U tim teškim vremenima BHM - SOROŠ Računarska škola je hiljade učenika osnovnih i srednjih škola uvela u svijet informacionih tehnologija. Već 1996. godine otvorena je i BHM - SOROŠ Škola stranih jezika u kojoj su učenici dopunjavali svoje znanje iz engleskog i njemačkog jezika. Od 1998. godine BHM posluje samostalno i na komercijalnoj osnovi nastavlja provoditi različite vrste obuke za učenike, studente i odrasle polaznike, a u regiji su prepoznati kao vodeća privatna institucija koja se bavi obrazovanjem odraslih i konsaltingom za uvodenje međunarodnih standarda kvaliteta. Povodom skorog jubileja - dvije decenije postojanja BHM-a, odlučili smo da u ovom broju Superinfo ukratko porazgovaramo sa mr. Mensurom Begovićem, dipl. el. ing.

**SUPER INFO** Djelatnost BHM-a je fokusirana na obrazovanje i konsalting. Možete li nam dati više detalja o vrstama obuka koje provodite?

BHM u ovom trenutku provodi tri različite vrste obuka, i to obuke iz informacionih tehnologija (Osnovna obuka, AutoCAD i ECDL), poslovne obuke (Obuka za komercijalne poslove (GCL), Obuka za menadžere kvaliteta) i obuke iz stranih jezika (njemački, engleski i talijanski jezik). Inače, svjesni značaja poštivanja međunarodnih standarda u svakom, pa i u sektoru usluga koje pruža BHM, od početka smo nastojali naši programe obuke uskladiti sa evropskim standardima. Naši programi obuke su verifikovani u Kantonalnom ministarstvu obrazovanja i naši certifikati se upisuju u radnu knjžicu. Prepoznati su od poslodavaca i državnih institucija kao certifikati koji potvrđuju znanje i vještine.

**SUPER INFO** Koji su to certifikati koje izdaje BHM, a koji su usklađeni s međunarodnim standardima?

Kada je riječ o programima obuke iz informacionih tehnologija, BHM je još od 1998. godine prilagodio svoje programe obuke evropskom standardu ECDL (European Computer Driving Licence). Testiranje kandidata za ovaj certifikat vrši se on-line u BHM centru ovlaštenom od evropske ECDL Fondacije. ECDL certifikat prihvaćen i prepoznatljiv u BiH kao standard



BHM se nalazi u Zenici, Štrosmajerova 11 - prvi sprat, i raspolaže kvalitetno i namjenski uređenim poslovnim prostorom od oko 400 m<sup>2</sup>, koji obuhvata računarsku učionicu i pet učionica za strane jezike i organiziranje različitih seminara.

za informatičku pismenost u svim državnim institucijama. BHM također nudi certificiranje znanja potrebnih za komercijalne poslove koju najvećim dijelom žele proći komercijalisti. Riđeći je o međunarodnom certifikatu GCL (Global Commerce Licence) koji se polaže on-line na engleskom jeziku u ovlaštenom centru. BHM je nosilac licence za BiH i ovlašteni centar za certificiranje za GCL. BHM provodi obuku iz engleskog i njemačkog jezika koja je usaglašena s evropskim okvirom za jezičke vještine CEFR.

**SUPER INFO** Da li i u kojem pravcu razvijate i usavršavate vaše programe obuke?

Svjetski trendovi ubrzano razvoja informatičkih tehnologija nameću kontinuirano i praćenje i usvajanje inovacija i njihovu primjenu u procesu obuke u BHM Računarskoj školi. To naravno znači i izradu odgovarajuće literaturе za obuku i probnih testova, koje priprema stručni tim BHM. BHM Škola stranih jezika također stalno inovira program i metode obuke, uvođenje nove literature i dodatnih materijala za obuku, izradu ispitnih testova. S obzirom na aktuelnu potražnju za obuke iz njemačkog jezika, pripremili smo da od sljedećeg mjeseca ponudimo kandidatima obuku iz njemačkog jezika za zdravstvene radnike. U okviru poslovnih obuka nedavno smo razvili program **Obuke za komercijalne poslove** i završili vrlo uspješnu obuku prve grupe od 17 komercijalista. Fokus ove obuke je na vještinama kao što su tehničke prodaje, marketing i prodajna prezentacija, komunikacija, dakle na stjecanju vještina koje ne omogućava redovni sistem obrazovanja. U

okviru ove obuke kandidatima je omogućeno i polaganje ispita za međunarodni certifikata GCL (Global Commerce Licence).

**SUPER INFO** Znamo da imate značajne i brojne referencije u oblasti edukacije. Kako naše tržište prihvata obuke i načine certifikacije koji su u skladu međunarodnim standardima?

Posljedice ekonomske krize su smanjen interes za sve vrste obuke. Ogroman broj nezaposlenih lica je najveći konzument naših obuka. Međutim, redovito se susrećemo s problemom niske platežne sposobnosti, pa za ovu kategoriju dajemo popust od 30% na sve vrste obuke. Na žalost, nije rijetka pojava da kandidat traži „samo papir“, za kojeg su spremni platiti „koliko god košta“. Kod nas takav zahtjev ne prolazi, ali nam se, po njihovim reakcijama čini da to negdje i uspijevaju. Poslodavci bi trebali voditi računa o tome koje i čije certifikate mogu smatrati validnim. BHM posjeduje evidencije o polaznicima i certifikatima tako da je moguće jednostavno provjeriti validnost svakog certifikata. Zahvaljujući dosljednom provođenju kvalitetnih obuka koje su uskladene s evropskim i međunarodnim standardima, BHM je realizirao niz značajnih projekta obuke za državne institucije, nezaposlena lica i velike kompanije i pojedince. BHM sudjeluje u različitim aktivnostima koje se odnose na obrazovanje odraslih i nastojimo dati doprinos uvođenju i unapređenju programa obuka koje su potrebne za podizanje kompetencija svih onih koji su završili proces redovnog školovanja.

## VLADA ZENIČKO-DOBOJSKOG KANTONA Smijenjeni funkcioneri ostaju bez naknadnih primanja

Kantonalna Vlada realizujući odluku Skupštine ZDK usvojila je Inicijativu za donošenje Zakona o izmjeni i dopuni Zakona o plaćama i naknadama u organima vlasti FBiH. Inicijativa se sastoji u izmjeni dvije stavke postojećeg Zakona. Prva se odnosi na vremenski period za koji izabrani dužnosnici i nosioci izvršnih funkcija u organima vlasti imaju pravo primati plaću nakon isteka mandata. Sadašnja odredba je da funkcioneri mogu primati platu 12 mjeseci nakon isteka mandata, a Vlada i Skupština ZDK predlažu da to bude šest mjeseci. Druga izmjena stavlja funkcionere koji daju ostavku



ili budu smijenjeni sa funkcije u poziciju da izgube pravo na primanje plate nakon podnošenja ostavke ili smjene. Ove dvije izmjene ne samo da će ispraviti nerealne i nepravične stavke postojećeg Zakona, već će i znatno rasteretiti budžete institucija, kako na kantonalnom, tako i federalnom nivou. Pomenuta inicijativa bit će upućena u daljnju skupštinsku proceduru.



**AREL** ZENICA  
OPŠTI I SPECIJALNI GRAĐEVINSKI POSLOVI

**Čestitamo  
25. novembar,  
Dan državnosti  
Bosne i  
Hercegovine**

## NAKON PRESUDE VRHOVNOG SUDA FEDERACIJE BiH

## Satisfakcija za zenička obdaništa

Vrhovni sud Federacije BiH uvažio je reviziju i ukinuo drugostepenu presudu Kantonalnog suda u Zenici po tužbi 12 radnika protiv JU Predškolski odgoj i obrazovanje Zenica i Općine Zenica, a kojom je bilo naloženo da tužiteljima isplate plaće i regres u visini od 674.746 KM, te predmet vratio istom sudu na ponovno suđenje. Inače, zenička obdaništa su zbog ovoga bila i pred stečajem, odnosno pred gašenjem, ali sa ovom presudom su se ipak izvukli, pa stoga i njihov advokat Nikica Bodul najavljuje da će uskoro uslijediti zahtjev radnicima koji su već naplatili 120-125 hiljada maraka da novac vrate. „Za ustanovu ovo znači jedna potpuna



satisfakcija, to znači vraćanje ugle- da i časti koju je uvijek imala, a u finansijskom dijelu, svi oni koji su dobili novac temeljem sporazuma, moraće ga vratiti“, kazao je advokat Bodul. Edina Hodžić, direktorka JU Predškolski odgoj i obrazovanje Zenica je istakla da su u ovoj ustanovi sretni ovim ishodom, kao i da su radnice za svo ovo vrijeme ipak uspjevale da sve funkcioniše kako treba, tj. da nijedno dijete ne osjeti da ova ustanova koja se bavi odgojem i obrazovanjem ima određenih problema.

## MNOGOBROJNI SAOBRAĆAJNI PROJEKTI U ZDK

### Za puteve i mostove 3,7 miliona KM

Saobraćajni projekti na kojima radi Ministarstvo za prostorno uređenje, promet i komunikacije i zaštitu okoline Zeničko-dobojskog kantona u ovom trenutku se cijene na iznos od 3,7 miliona KM. Iz ovog resora kantonalne uprave saopštena je i informacija o aktuelnim poslovima koji su započeti ili su u završnoj fazi реализациje. Tako su prije nekoliko dana počeli radovi na izgradnji mosta u mjestu Potkamensko, a već za koji dan biće završena i potpuna rekonstrukcija regionalne ceste Zenica - Tetovo u dužini od 2,5 km, dok je preostala dionica do kružnog toka „Carina“ u dužini od 1,15 km planirana da se radi početkom slede-



će godine. Urađena je i pješačka staza uz regionalnu cestu u Nemili dužine 650 metara, a presvučeno je i 400 metara asfaltnog kolovoza na regionalnoj cesti Zenica – Vjetrenice. Također je završena i sanacija mosta na rijeci Bosna, na regionalnoj cesti Kakanj – Visoko, u mjestu Dobrinje, zatim semaforizacija i modernizacija raskrsnice u Jelahu, kao i sanacioni radovi na mostu preko rijeke Krivaje na regionalnoj cesti Zavidovići – Olovo, u mjestu Vikovići.

## OPĆINA ŽEPČE

# Posjeta predsjednika Hrvatskog sabora Josipa Leke



Predsjednik Hrvatskog sabora Josip Leko, zajedno sa svojim saradnicima, u okviru službene posjetе Bosni i Hercegovini krajem prošlog mjeseca je posjetio i općinu Žepče. Upriličen mu je svečani doček u uredu općinskog načelnika Mate Zovke, gdje su goste iz Hrvatske dočekali predsjedavajući Općinskog vijeća Žepče Muhamed Jusufović, pomoćnik općinskog načelnika za opću upravu i društvene djelatnosti Ilija Barešić, direktorica Razvojne agencije Žepče Branka Janko, zastupnik u Federalnom parlamentu Josip Martić i ravnatelj KŠC "Don Bosco" Žepče don Josip Krpić.

Tom prigodom predsjednik Leko je istakao kako je riječ o jednoj od najprosperitetnijih općina u susjednoj državi koja baš stoga zaslužuje dodatnu potporu. „Nakon razgovora u Sarajevu, Varešu i Žepču mogao bih kazati: upoznaj BiH da bi je razumio, a dođi u Žepče da bi vjerovao u BiH“, kazao je Leko

nakon razgovora s predstvincima općinske vlasti, dodavši kako je Hrvatska i do sada na različite načine pomagala Žepču, što je i doprinijelo stabiliziranju te općine. S druge strane, žepčki načelnik Zovko je istaknuo da su na sastanku s Lekom iznijeli povijesno, sadašnje i buduće stanje u općini Žepče te probleme s kojim se suočavaju, kao i buduće planove. „*Sve one političke probleme koje je Žepče imalo mi smo davno riješili. Današnje Žepče je kvalitetna sredina koja sve svoje probleme rješava kompromisom i koja će nastaviti graditi ovaj grad kao multietničku sredinu, koju ćete vrlo rijetko naći*“, dodao je načelnik Zovko.

Nakon razgovora s predstvincima lokalnih vlasti općine Žepče, delegacija iz Hrvatske posjetila je i Katolički školski centar "Don Bosco" u Žepču, gdje su ih dočekali učenici i profesori ove obrazovne ustanove.

## ZAHVALJUJUĆI POMOĆI IZ TURSKE

# Uskoro novo lice Visokog

Kulturni centar, kongresna dvorana za 450 osoba, dvije manje dvorane za multipleks kino, nekoliko kabinetova za razne vidove edukacije, biblioteka, čitaonica i niz drugih popratnih sadržaja, te veliki prostor na vrhu pod staklenom kupolom za izložbe i druge vrste skupova, poklon je koji su Visoko i Visočani dobili od turske bratske općine Altındağ. Objekat će imati ukupno 3.200 kvadratnih metara površine i omogućit će nove sadržaje koji će privući omladinu kompletne općine Visoko, ali i mlade iz okolnih gradova. Kulturni centar, objekat za kojim je Visoko žudilo,

završetkom izgradnje dovest će ozbiljne kulturne, privredne, političke i zabavne događaje, konačno obogatiti kulturni i društveni život, a ujedno biti i pokretač razvoja trgovine, zanata i svih vrsta uslužnih djelatnosti. Obzirom da se postojeća saobraćajnica koja ide kroz naselje Prijeko planira izmjestiti iza Kulturnog centra, objekat će biti uklopljen u prelijepi ambijent parka naslonjenog na samu obalu rijeke Fojnice, što mu daje dodatnu vrijednost i ljepotu. Novo lice Visokog otvara perspektive i vraća nadu da Visoko nije grad iz kojeg se ide, nego da ponovo postaje grad u koji se dolazi.



**Foto Express Kratina**

Tel/fax: 032 404 778 kratina@bih.net.ba www.fotokratina.ba

**NAJJEFTINIJE  
FOTOGRAFIJE U GRADU !!!**

**Poslovница1: Biznis centar Aksa**

Radno vrijeme od 8 do 19 h  
subotom od 8 do 16 h



## ARCELORMITTAL ZENICA

# Pušten u rad filter na pogonu Visoka peć



Početkom ovog mjeseca u kompaniji ArcelorMittal Zenica pušten je u rad filter na pogonu Visoka peć. To su učinili simboličnim presjecanjem vrpce Augustine Kochuparampil, generalni direktor ArcelorMittal za Evropu, Bertrand Jacquier, generalni direktor za ArcelorMittal jedinice Istočne Evrope, federalni premijer Nermin Nikšić i načelnik općine Zenica Husejin Smajlović. „Zaista smo ponosni što puštamo u rad ovaj veliki okolišni projekat koji predstavlja važnu prekretnicu na

*našem putu ka smanjenju utjecaja na okoliš u Zenici*”, kazao je M.V. Kulkarni, generalni direktor ArcelorMittal Zenica. Načelnik Smajlović je istakao kako je ovaj projekat pored toga što predstavlja jedan kameničić ukupnog mozaika aktivnosti potrebnih za obezbjedenje kvalitetnog zraka u Zenici, značajan i zato što ukazuje opredjeljenost ArcelorMittala da planira realizacije ekoloških projekata. „Nama u Zenici treba i ova kompanija, ali i čist zrak. To jedno drugo ne isključuje, ali nas uozbiljuje i zahtjeva od nas preduzimanje čitavog niza aktivnosti i zahtjeva veću posvećenost i veću želju da se to desi”, poručio je Smajlović. Ovaj projekat, vrijedan oko 12 miliona maraka, značajno će utjecati na smanjenje emisija iz pogona Visoka peć te stvoriti bolje uslove za rad za oko 160 radnika koji obavljaju poslove u ovom pogonu, kao i za šire područje Zenice.



*NEDAVNO U  
ZENICI*

## Održan simpozij magistara farmacije iz FBiH

## MAŠINSTVO U ZENICI

# Četiri decenije od upisa prve generacije studenata

Na Mašinskom fakultetu u Zenici održana je svečana akademija, u povodu 40 godina od upisa prve generacije studenata na odsjeku „Mašinstvo u metalurgiji” na tadašnjem Metalurškom fakultetu. Ovaj smjer sa 176 studenata bio je prethodnica Mašinskog fakulteta u Zenici, koji je osnovan 1977. godine. O četiri decenije studiranja mašinstva u Zenici govorio je Safet Brdarević, nekadašnji dekan Mašinskog fa-

Samir Lemeš, v.d. dekana. „*Trenutno stanje na fakultetu je da imamo nekih 500 studenata na sva tri ciklusa studija, studij za inžinjere, za magistre, masterere i doktore nauka. Do sada je fakultet dao više od hiljadu diplomiranih inžinjera, magistara, doktora nauka. Istina, imamo problem sa nedostatkom kadrova. Projekat godina na fakultetu je 48 i apelujemo na organe vlasti da dopuste da se taj kadar podmladi, da*



kulteta, a inače jedan od inicijatora formiranja odsjeka mašinstva u metalurgiji u Zenici, dok je o budućnosti ovog fakulteta pričao

*primimo nove asistente, zato što na ovaj način ne možemo računati na nekakav razvoj*”, kazao je ovom prilikom Lemeš.



U organizaciji Komore magistara farmacije i Farmaceutskog društva FBiH u Zenici je održan simpozij magistara farmacije Federacije BiH, na kojem je učestvovalo više od 600 ljudi. Tema simpozija je bila uloga farmaceuta u samomedikaciji koja je sve prisutnija u kliničkoj farmaciji, a u sklopu ovog simpozija je upriličena i prezentacija farmaceutskih firmi.

## MINISTARSTVO ZDRAVSTVA ZDK

### Podjela priručnika i inhalatora



U Ministarstvu zdravstva ZDK nedavno je upriličena podjela priručnika koje je uradio UNICEF o ranom rastu i razvoju djece, a konkretno su vezani za ishranu beba do tri godine i inhalatora za domove zdravlja i pedijatrije sa ovog Kantona. Dvanaest inhalatora za isto toliko domova zdravlja za njihove pedijatrijske službe za potrebe terapije i liječenja djece, koji su pojedinačne vrijednosti od 150 maraka, donirala je firma Keprom iz Istočnog Sarajeva, koja se inače bavi proizvodnjom i distribucijom medicinske opreme.

### SLUŽBA CIVILNE ZAŠTITE OPĆINE KAKANJ Pripreme za zimu


Služba civilne zaštite općine Kakanj izvršila je sve pripreme pred nadolazeći period snježnih padavina i spremna je intervenirati u situacijama ugroženosti ljudskih života i materijalnih dobara uslijed snježnih nedaća. Svi raspoloživi resursi su pripremljeni, a po potrebi Općinski štab civilne zaštite može, prema odredbama Zakona o zaštiti i spašavanju F BiH, angažirati mehanizaciju i sve druge resurse privrednih subjekata kako bi se zaštitili ljudski životi, materijalna dobra i kako bi se osiguralo funkcioniranje vitalnih funkcija lokalne zajednice.



## Projekt S.T.A.R. - Statističke mreže u sektoru turizma jadranskih regiona Realizacija pokaznih događaja kroz obuku za korištenje internet aplikacije

Projekat S.T.A.R. iz jadranskog programa prekogranične saradnje, sufinansiran je sredstvima EU iz instrumenta za predpristupnu pomoć (IPA) i traje 36 mjeseci. Projekat će pomoći da informacije o turističkom prometu budu efikasnije, dostupnije i pouzdanije te će za jadransko turističko područje osigurati podatke i odgovarajuće statističke alate i na taj način omogućiti institucijama da planiraju načine na koje će se provoditi državne intervencije u turizmu i donositi nove turističke strategije. Također, S.T.A.R. predstavlja početak novog načina rada koji će turističkim kompanijama i operatorima obezbijediti direktnu korist zahvaljujući sve širim mogućnostima za korištenje uporedivih podataka iz cijelog jadranskog područja. Projekat za Bosnu i Hercegovinu, odnosno područje Zeničko-dobojskog kantona implementira Biznis servis centar kao jedan od 10 partnera iz 5 zemalja jadranskog regiona.

Jedan od glavnih proizvoda i instrumenata koji će omogućiti konkretnu re-



alizaciju ciljeva projekta jeste internet aplikacija i portal jadranskog područja putem kojih će se vršiti prikupljanje i distribucija statističkih podataka. Prva, testna verzija internet aplikacije je završena te su, u sklopu realizacije aktivnosti 5.2 projekta, organizovani odgovarajući pokazni događaji sa ciljem prezentacije iste odnosno pružanja odgovarajuće tehničke obuke budućim korisnicima. Održana su ukupno dva trening kursa za predstavnike smještajnih kapaciteta, turističkih agencija i institucija koje djeluju u oblasti turizma na području Zeničko-dobojskog kantona. Kursevi su održani 25. i 28. oktobra ove godine u prostorijama informatičkog kabineta u Zenici uz prisustvo

ukupno 31 predstavnika ciljne grupe. Učesnicima je prezentirana internet aplikacija te je izvršena obuka o pristupu, načinu registracije, korištenju njenih osnovnih modula („prijava gostiju“ i „zadovoljstvo korisnika“) te načinu unosa i pregleda podataka. Svim budućim korisnicima aplikacije ponuđena je dodatna asistencija i eventualna pomoć tokom početnog perioda korištenja.

Trening kursevi su protekli u pozitivnoj i radnoj atmosferi. Uočeno je da su od velike koristi za lokalne učesnike koji su istakli da su ovim putem stekli nova znanja, a projekt S.T.A.R. ocijenili korisnim i važnim instrumentom za razvoj turističkog sektora na području ZDK.





## DIJABETES – ŠEĆERNA BOLEST

Dijabetes je hronična bolest kod koje se u organizmu čovjeka ne proizvodi inzulin, ili se ne proizvodi u dovoljnim količinama. Inzulin je hormon gušterice koji omogućava prelazak glukoze iz krvi u ćelije, kako bi je ćelije koristile za proizvodnju energije. Kad nema dovoljno inzulina, glukozna može iz krvi ući u ćelije, pa se povećava nivo glukoze u krvi (visok šećer), dok istovremeno ćelije „gladuju“.

**Osnovni tipovi dijabetesa:** **Tip 1** dijabetes se karakteriše vrlo malom ili nikakvom proizvodnjom inzulina. Može se javiti u bilo kojoj životnoj dobi, ali se daleko najčešće javlja kod djece i vrlo mladih osoba. **Tip 2** dijabetes se karakteriše postepenim smanjenjem količine proizvedenog inzulina. Najčešće se javlja kod starijih osoba, ali je sve više mladih odraslih osoba koje obolijevaju od ovog tipa dijabetesa. Visok nivo glukoze u krvi se može javiti tokom trudnoće (1 na 25 trudnoća) i zove se gestacijski dijabetes. Ovaj poremećaj obično nestane po završetku trudnoće, ali se žene kod kojih se javio, kao i njihova djeca smatraju osobama sa visokim rizikom za obolijevanje od dijabetesa. U svijetu od dijabetesa boluje preko 370 miliona ljudi. Polovina ljudi koji imaju dijabetes ne znaju da boluju od njega. Polovina ljudi koji su umrli od posljedica dijabetesa, umrli su prije 60. godine života. Za liječenje od dijabetesa u svijetu se godišnje potroši oko 550 milijardi eura, što je iznos kao da je svaki stanovnik Zemlje potrošio po 150 KM u prosjeku.

### Kako prepoznati dijabetes?

Svaka bolest ima određene znake upozorenja, koji, ako ih uočimo, omogućavaju raniji početak liječenja, a time i bolje posljedice pa su tako kod dijabetesa najčešći znakovi: često mokrenje, gubitak na težini, nedostatak energije (čest umor) i pretjerana žed, dok se također mogu javiti i trnci i utrulost ruku i stopala, česte infekcije, sporozarastanje rana, povraćanje i bolovi u stomaku te zamućen vid. Inače, nemaju svi ljudi isti rizik za obolijevanje od dijabetesa, a **najvažniji faktori rizika za obolijevanje od dijabetesa su:** postojanje dijabetičara u užoj porodici, nedostatak kretanja, nezdrava ishrana, pretjerana tjelesna težina i izloženost stresu. Povedite računa o sebi i svom zdravlju. Sprječite ili odgodite nastanak šećerne bolesti. Ako ste već oboljeli, sprječite nastanak komplikacija ove bolesti. Život sa dijabetesom ima svoje zahtjeve, ali je moguće dijabetes u potpunosti držati pod kontrolom i tako smanjiti rizik od njegovih komplikacija.

**Provjerite svoj rizik i provjerite svoje zdravlje! Kontaktirajte svog doktora!**



## NIJE PREKASNO ZA POMOĆ KOD HOPB

Hronična opstruktivna plućna bolest (HOPB) je nezarazna bolest pluća koja otežava disanje. To je četvrti vodeći uzrok smrti u svijetu, uzrokujući preko tri miliona smrти svake godine. Poseban problem predstavlja činjenica da skoro polovina oboljelih ne zna da imaju ovu bolest. Tokom trajanja bolesti dolazi i do posljedica na drugim organima bolesne osobe pa se razvija bolest srca, osteoporozu, slabost mišića i depresiju, što je u konačnici razlog da se oboljele osobe sve manje kreću van kuće te se tako izoliraju i od društva.

HOPB se najčešće javlja kod osoba starijih od 40 godina i onih koji su izloženi riziku faktorima za ovu bolest. **Najvažniji rizik faktor za HOPB je pušenje duhana.** Drugi važni rizik faktori su izloženost prašini i hemikalijama na random mjestu, kao i dimu od sagorijevanja uglja, drveta i slično.

Svjetski dan hronične opstruktivne bolesti pluća se obilježava 20. novembra 2013. godine sa sloganom "NIJE KASNO", a naglašavajući aktivnosti koje ljudi mogu poduzeti da unaprijede stanje svog dišnog sistema, bez obzira da li im je ili nije dijagnostikovana hronična opstruktivna bolest pluća. HOPB je u ranoj fazi često neprepoznata. Dijelom je razlog za to što mnogi ljudi potcenjuju simptome kao što su nedostatak zraka i dugotrajan kašalj pripisujući to stareњu ili posljedicama pušenja. Bolja svjesnost da su dugotrajni kašalj i nedostatak zraka simptomi HOPB, je ključna u unapređenju ranog dijagnostikovanja ove bolesti.

HOPB se dijagnosticira testom koji se zove spirometrija. Ovaj test, koji je bezbolan i traje svega nekoliko minuta, mjeri količinu zraka koju neka osoba može izdahnuti, kao i za koje vrijeme to uradi. Ne postoji mogućnost izlječenja HOPB, ali se jako dobro može držati pod kontrolom. HOPB tretman je djelotvorniji što se s njim započne ranije. Kako bismo smanjili teret kojeg pojedinac i društvo tripi zbog HOPB, trebamo raditi na otkrivanju što više slučajeva sa ovim oboljenjem. Moguće je usporiti, pa čak i zaustaviti napredovanje HOPB, ako se značajno smanji izloženost riziku faktorima i ako se provodi odgovarajući tretman.

Bez odgovarajućeg tretmana, HOPB progresivno napreduje sa gubitkom zraka i tokom svakodnevnih aktivnosti. Naporci za unapređenje rane dijagnostike, razvoja novih tretmana i bolja prognoza za oboljele obnavljaju optimizam u borbi sa najčešćom bolesti dišnog sistema.



**Finansira:**  
Zavod zdravstvenog osiguranja  
Zeničko-dobojskog kantona



**Pokrovitelj:**  
Ministarstvo zdravstva  
Zeničko-dobojskog kantona

## ZAVOD ZDRAVSTVENOG OSIGURANJA ZDK

# Posao za 19 pripravnika

Direktor Kantonalnog zavoda zdravstvenog osiguranja ZDK Senaid Begić potpisao je nedavno sa 19 pripravnika, diplomiranih pravnika i ekonomista, iz deset općina ovoga kantona, ugovore o zapošljavanju na period od godinu dana. „*Još prošle godine kada smo primili 25 pripravnika po osnovu tri programa, sam rekao da mi je namjera u četverogodišnjem mandatu uposlitи najmanje stotinu mlađih pripravnika. Sada ih je primljeno 19 po dva programa. Prvi je program Vlade ZDK iz grant sredstava u iznosu od 480.000 maraka, na čemu im se zahvalujem, te program PIU SESSER po kojem je primljena jedna diplomirana ekonomistica*”, kazao je Senaid Begić.

Jedan od primjera uspješnog studenta je i 23-godišnja Zeničanka Amra Avdić. Ona je

dipomirala na Pravnom fakultetu Univerziteta u Zenici kao student generacije sa ostvarenim prosjekom ocjena 9.84. Tokom studiranja je četiri godine zaredom nagrađivana kao najbolji student „Poveljom dekana”, a na promociji završenika I i II ciklusa studija i „Poveljom rektora” kao najbolji student na Univerzitetu. Trenutno je student postdiplomskog studija na katedri za državno i međunarodno javno pravo Pravnog fakulteta UNZE. Za ovu iznimno uspješnu djevojku, u ZZO ZDK su najavili da će joj, ako se pokaže kao vrijedna, u što ne sumnjuju, ponuditi i prijem u stalni radni odnos. „*Velika mi je čast što mi je ukazana prilika da radim u jednoj ovakvoj ustanovi kao što je Zavod za zdravstveno osiguranje, gdje se uistinu može steći*



*kvalitetno iskustvo za budući moj razvoj i rad u struci*”, istakla nam je Amra Avdić.

Inače, za ovo vrijeme provedeno u ZZO ZDK pripravnici će primati platu u iznosu od 400 KM, dodatak za topli obrok od 200 – 250 KM i 75 posto plaćene naknade za prevoz, te će za njih biti izmirivane i obaveze prema državi, a prema riječima Senaida Begića on vjeruje da će po završetku ovog jednogodišnjeg ugovora neki od ovih mlađih ljudi dobiti i stalni posao u zavodu.



Čestitamo  
25. novembar,  
Dan državnosti  
Bosne i  
Hercegovine



## KANTONALNA BOLNICA ZENICA

# Posjeta predstavnika Ambasade Azerbejdžana

Sredinom novembra ove godine direktor Kantonalne bolnice Zenica prim. dr. Abdulah Granić ugostio je predstavnike Ambasade Azerbejdžana, savjetnika Jusifa Varizova, drugog sekreta ra Fahri Karimlija te prevodioca Liliu Kaminskaia. Inače, svrha ove posjete je bila uspostavljanje prijateljskih odnosa sa predstanicima Ambasade Azerbejdžana i menadžmenta KBZ-a, a direktor Bolnice je tom prilikom istakao i da se nada početku jedne duge i uspješne saradnje.

Tokom posjete gosti i predstavnici menadžmenta obišli su pojedine službe Bolnice, i to Službu za dječije bolesti, Službu za ženske bolesti, perinatologiju i neonatologiju, Službu za anesteziju, intezivnu njegu i terapiju bola, kao i Dječiju hirurgiju. Prilikom obilaska predstavnicima Ambasade je bliže pojašnjen rad uposlenika u službama te problemi sa kojima se susreću uposlenici u svakodnevnom radu, a koji su posljedica loše finansijske situacije u kojoj se Bolnica trenutno nalazi.



Nakon obilaska službi Ustanove, održana je i press konferencija za medije, na kojoj je direktor Granić istakao da je menadžment Kantonalne bolnice Zenica otvoren za uspostavljanje saradnje u oblasti zdravstva sa državom Azerbejdžanom. Tako-

đer je razmatrana i mogućnost eventualne pomoći KBZ-u, obzirom da se radi o vodećoj zdravstvenoj ustanovi u regionu, koja pruža zdravstvene usluge pacijentima cijelog ZE-DO kantona, a koji inače broji nešto manje od 400.000 stanovnika.

Recimo i da su press konferencijsko koja je organizovana povodom posjete predstavnika Ambasade Azerbejdžana prisustvovovali i čelni ljudi Zeničko-dobojskog kantona, kao i predstavnici pojedinih političkih stranaka, a svim prisutnima je skrenuta pažnja na trenutno stanje u kojem se KBZ nalazi te je upućen poziv čelnim ljudima da poduzmu korake putem kojih bi Kantonalna bolnica Zenica izšla iz zabrinjavajuće finansijske situacije.

## INFORMATIZACIJA U DOMOVIMA ZDRAVLJA ZDK Uskoro elektronski recepti

U organizaciji Ministarstva zdravstva ZDK, direktori 12 domova zdravlja s područja ovog kantona potpisali su nedavno ugovor sa Federalnim ministarstvom zdravstva o prenosu donirane opreme u trajno vlasništvo. Radi se o tome da su i proteklom periodu na području ZDK federalno i kantonalno ministarstvo zdravstva provodili Projekat jačanja zdravstvenog sektora, koji se odnosio na primarnu zdravstvenu zaštitu u domovima zdravlja i ambulantama porodične medicine. Putem ovog projekta je u opremu i renoviranje više domova zdravlja na Kantonu uloženo

4,5 miliona KM od strane federalnog i 400.000 KM od strane kantonalnog Ministarstva zdravstva, a ta oprema je potpisanim ugovorom postala vlasništvo zdravstvenih ustanova. Senka Balorda, ministrica zdravstva ZDK, zahvalila je predstavnicima Federalnog ministarstva na svemu što je urađeno za unapređenje i modernizaciju primarne zdravstvene zaštite, naglasivši da uspješno okončanje ove faze implementacije projekta ne znači i kraj ulaganjima u zdravstvo, jer slijedi i informatizacija domova zdravlja i ambulantni porodične medicine. To znači ne samo



elektronsko vođenje izdatih recepta već i uvođenje tzv. elektronske kartice za pacijente, čime će stari način vođenja evidencije o pacijentima biti u potpunosti ukinut.

## BOSANSKO NARODNO POZORIŠTE ZENICA Premijera predstave „Plavi krug“



„Plavi krug“, predstava prema tekstu Vladimira Đorđevića i u režiji Miroljuba Mijatovića, glumca i rukovodioca Dječije, omladinske i lutkarske scene Bosanskog narodnog pozorišta Zenica, imala je svoju premijeru 14. novembra na Velikoj sceni zeničkog pozorišta, a u sklopu obilježavanja Svjetskog dana borbe protiv šećerne bolesti. Riječ je o predstavi koja se realizira u saradnji sa Federalnim

ministrstvom zdravstva, Udrženjem građana za borbu protiv šećerne bolesti „Zenica“, Zavodom za javno zdravstvo Zeničko-dobojskog kantona i Savezom udruženja/udruga dijabetičara u Federaciji BiH. Radi se o trećoj ovosezonskoj premijeri u BNP Zenica, a ovaj interaktivni i edukativni preformans ima za cilj podizanje svijesti o nastanku i prevenciji dijabetesa, a namijenjen je djeci uzrasta od šest godina.

**Frizersko-kozmetički salon**

# aysun

**Mehmedalije Tarabara bb – Zenica - PC AKSA II sprat**  
**Trg heroja 31, Hrasno-Sarajevo**  
**061/769-308; 063/292-094**


**NADOGRADNJA KOSE**  
 (100 % prirodna dlaka, 50 – 60 cm dužine) – 100 kom. - **360 KM**  
**PRAMENOVI** – kratka kosa – **15 KM**  
 Srednja dužina kose – **20 KM**  
 Duga kosa – **25 KM**  
 Extra duga kosa – **30 KM**  
**MINIVAL** – 25 KM /na sve dužine kose  
**CIRKONI ZA KOSU** – **6 KM**  
**TRETMAN LICA** (parenje + čišćenje + maska) = **20 KM**  
**CIRKON ZA ZUB** – **3 KM**

**TERMINI NA 061 769 308**

Posjetite nas na [www.facebook.com/frizerskokozmetickisalonaysun](http://www.facebook.com/frizerskokozmetickisalonaysun)  
*i svakodnevno pratite naše aktuelne ponude.*

## USKORO U VISOKOM „Dani Zaima Muzaferije“

Tradicionalna manifestacija „Dani Zaima Muzaferije“ i ove godine održat će se u rodnom gradu velikana bh. glumišta, Visokom. Inače, ova manifestacija unazad deset godina



okuplja najznačajnija glumačka i umjetnička imena Bosne i Hercegovine, pa stoga ne sumnjamo da će organizator manifestacije UG „Ars tragovi“ i ove godine ponuditi zanimljiv program. Između ostalog, planirana je promocija kataloga „Tragovi 2012“, gostovanje Kamernog teatra, premijera

predstave „Čekajući Godoa“ višočkog Teatra Total, prikazivanje filma „Odbrana i zaštita“ Bobe Jelčića, apsolutnog pobjednika ovogodišnjeg Filmskog festivala u Puli, kao i brojni drugi kulturni sadržaji. Ovogodišnji „Dani Zaima Muzaferije“ održat će se od 28. do 30. novembra.

## U ZENIČKOJ PLAJOV PALETI “Poetski arhipelag” Lidije Puđak

Lidija Puđak, pjesnikinja iz Zagreba održala je nesvakidašnju promociju u klubu „Plava paleta“ u Zenici, pod nazivom „Poetski arhipelag“. Naime, i sama autorka je tom prilikom istakla da odavno nije našla na naziv poetske večeri koji tako decidno oslikava poetsku nit koja prožima njenu poeziju. Zadovoljstvo kroz stih i druženje nastavilo se do dugo u noć, a gošća Puđak, uz svu zahvalnost domaćinima i organizatorima „Poetskog arhipelaga“, prekrasne riječi zahvalnosti uputila je i nezaobilaznoj publici.

### knjigovodstvo.ba



- KNJIGOVODSTVANE USLUGE ZA SVE VRSTE DJELATNOSTI
- POMOĆ PRI REGISTRACIJI OBRTA/FIRME
- IZRADA GODIŠNJE PRIJAVE ZA FIZIČKA LICA (OBRAZAC GPD 1051)
- REVIDIRANJE I OVJERA ZAVRŠNOG RAČUNA
- OBRAČUN UGOVORA O DJELU, AUTORSKIH HONORARA TE UGOVORA O PRIVREMENIM I POVREMENIM POSLOVIMA.
- SARADUJEMO PRI SVIM KONTROLAMA INSPEKCIJSKOG NADZORA
- KURIRSKE USLUGE

**KNJIGOVODSTVO PO VAŠOJ MJERI**  
**TEL: 032/481-046**

**ELITE**  
fitness & aerobic club

Kamberovića polje bb, Tel: +387 61 813 184

## VJEŽBAJ I UŽIVAJ!



*Fitness*



*Tae bo*



*Zumba*



*Sauna*



*Aerobic*



*Jacuzzi*

## Derbi A-1 lige pripao košarkašima Čelika

Košarkaši zeničkog Čelika slavili su u derbiju 5. kola A-1 lige BiH nad Brčko Distrikтом sa 94:82 i time ostali jedina neporažena ekipa u ovoj ligi. Igrači trenera Nedžada Hodžića ovim su potvrdili kvalitet i pokazali da im je cilj obezbjediti plasman u elitni razred bh. košarke. Čelik su predvodila dvojica bivših reprezentativaca BiH, Dino Hodžić sa 28 i Ivan Opačak sa 27 poena te Dino Begagić koji je pridodao 22 poena. Trener Hodžić je po završetku utakmice rekao da je znao da će ovo biti veliko iskušenje za njih, ali je naglasio i da nije bio posebno zadovoljan igrom svojih izabranika. "Bilo je



puno grešaka, jer igrači koje sam zarotirao nisu odgovorili odbrambenim zadacima. Protivniku čestitam. Oni su kvalitetni, radi se o iskusnom timu, gdje su igrači nekoliko godina skupa. Igraju lijepu košarku. Mi smo srljali, rotirao sam dok nisam pronašao petorku koja je odgovorila traženim zadacima. Čelik može puno bolje", kazao je Nedžad Hodžić.

## Košarkašice Čelika slavile nad Željom



Košarkašice Čelika su u trećem kolu Prvenstva BiH bez većih problema u Gradskoj areni u Zenici savladale sarajevski Željezničar sa 89:48. Kod domaćina su šansu dobiti i neke mlađe igračice koje su pokazale da se i na njih treba ozbiljno računati u nastavku sezone. Zbog bola u ledima izostala je najbolja igračica Čelika Aida Kalušić, a svega nekoliko minuta na parketu je provela play Zvjezdana Gagić.

Briljirala je 18-godišnja Anida Čorović, koja je ubacila 19 poena, Irma Rahmanić je dala 17, dok je i Marina Džinić pridodala 15 poena. Almir Hamzić, trener Čelika je rekao kako su Čorović, Kovačević i druge mlađe igračice dobiti značajnu minutazu te uglavnom iskoristile dobro svoju šansu. Narednog vikenda ekipa Čelika će u okviru četvrtog kola Prvenstva BiH gostovati u Banja Luci, kod ekipa Mladog Krajišnika.

## Vitez savladao lidera Premijer lige



Nogometari Viteza pod vodstvom trenera Ante Miše ostvarili su dvije vezane pobjede u prvenstvu. Nakon Travnika kojeg su savladali sa ubjedljivih 3:0, u Zenici je pao i lider BH Telecom Premijer lige – banjalučki Borac. Šef struke je itekako zadovoljan zalaganjem i igrom svojih pulena, ali ne želi da im dozvoli dizanje u visine, već ih želi čvrsto držati na

zemlji. Cilj kluba je opstanak u elitnom razredu bh. nogometa i sa ovim bodovima on je sve bliži. „Mi smo tri boda bliže ostanku u ligi. Mislim da to možemo osigurati i prije nego što su neki mislili. Imamo dobru ekipu, dobro treniramo, dobro radimo, imamo jedno samopouzdanje i nadam se da će tako ostati i dalje“, rekao je Miše.

## “Crveno-crni” - kraljevi remija



Nizah Hukić, koji je po nalogu Uprave preuzeo ekipu nakon odlaska Vlade Jagodića, odlično se snašao i u četiri posljednja meča, sva na gostovanjima, ekipa ne zna za poraz. Nakon pobjede na Leotarom u Trebinju (2:1), te remija u Kupu sa Bratstvom u Gračanici (2:2), i prvenstvu sa Borcem u Banjoj Luci (0:0), odigran je još jedan meč bez pogodaka – na Otoci protiv Olimpica. Na ovaj način Hukić je pokazao da je u ovom

trenutku možda i najbolje rješenje za crveno-crne. Za svoje igrače je rekao da su bili na visini zadatka i da su se maksimalno trudili a da je Kenan Horić odigrao kapitenski, komandovao odbranom, zaustavljao sve napade Olimpica. Do zimske pauze ih još očekuju mečevi sa Mladostom iz Velike Obarske na Bilinom polju, te sa Veležom u Mostaru, a pobjeda nad Mladostom bi svakako osigurala i povoljniji plasman na tabeli.

## Rukometari Čelika i dalje na diobi prvog mjeseta

Rukometari Čelika savladali su Prijedor sa 43:32 i tako nastavili utrku sa sarajevskom Bosnom za prvo mjesto koje ove dvije epipe dijele nakon 10. kola sa po 26 bodova. Gosti su samo u prvom poluvremenu bili ravnopravan takmac zahuktalom Čeliku, ali u drugom poluvremenu “Čelična mašina” je ubacila u brzinu više i savladala Prijedor. Posljednjih pet minuta trener Čelika Zdenko Antović je na teren izveo nekolicinu mlađih igrača, koji su uz aplauz i stalnu podršku publike sačuvali krajnji rezultat. Žiri je igračem utakmice proglašio Davora Kadića, koji je postigao 13 golova i kome je predsjednik Čelika Pane Škrbić uručio prigodan pehar. Odlično su igrali i Mirza Hurem sa devetm Milan Ivančev sa sedam te Aldin Begagić sa pet postignutih pogodaka. U narednom kolu Čelik gostuje u Živinicama, gdje se sastaje sa tamošnjim Konjuhom.



### Akciona ponuda izrade digitalnih fotografija



0,20 KM format 10x15  
**svake nedjelje**



**175,00 KM**

Najveći izbor digitalnih  
fotoaparata i opreme

**FOTOZUNIC**

**TC Džananović**

72000 Zenica

Tel: 032 / 24 61 80

Email: zuniczenica@bih.net.ba

[www.fotozunic.com](http://www.fotozunic.com)

**USPJEŠAN SPOJ TRADICIJE I INOVACIJE**

# Sprind ponovo proizvodi Kadaif

Prehrambena kompanija Sprind pokrenula je ponovo, u skladu sa zahtjevima tržišta, proizvodnju kadaifa. Ovaj proizvod provjerenog je kvaliteta, prema najstrožijim zahtjevima HACCP i ISO standarda, a služi za pripremu tradicionalne slastice bez koje je teško zamisliti bilo kakav praznik/blagdan. Kadaif je, dakle, delicia koja se priprema za posebne goste u posebnim prilikama.

Iako neki smatraju da je kadaif nastao u Palestini gdje je poznat kao kanafeh, a drugi tvrde da mu je domovina u Libanonu, uvriježeno je mišljenje da je kolijevka kadaifa, ipak, na Istoku. Uporedo sa širenjem Osmanskog carstva upotreba kadaifa proširila se na Balkanu, u Albaniji i Grčkoj, a potom i širom svijeta. U Bosni i Hercegovini je, čini se, ostala navika da se kadaif priprema samo u vrijeme praznika, pa se u ostatku godine vrlo rijetko može negdje kupiti. Međutim, zahvaljujući Sprindu kadaif, sa veoma



prihvatljivom cijenom u komercijalnom pakovanju od 500g, dostupan je tokom cijele godine, u svim većim trgovinama u BiH. Nakon što je nedavno na tržište Sjedinjenih Američkih Država plasirana prva pošiljka Sprindovog kadaifa, očekuje se distribucija i na ostala izvozna tržišta, posebno u zemlje gdje živi bh. dijaspora, a koja iskazuju veliki interes za ovaj 100% domaći proizvod. Kompanija Sprind i na ovaj način nastoji sačuvati i promovirati autohtonost tradicionalnih bosanskohercegovačkih vrijednosti.

## Kako pripremiti kolač od kadaifa

Za pripremu tradicionalnog kolača kadaif potrebno Vam je:

500 g Sprind Natura Kadaifa, 250 g putera, 200 g oraha, 150 g suhog grožđa.

Za agdu: 600 g šećera, litar vode, 2 vanili šećera, 1 limun.

Polovinu kadaifa ravnomjerno raspoređiti po tepsiji. Posuti sjekanim orasima i suhim grožđem, pa zatim raspoređiti ostatak kadaifa. Istopiti puter i prelitи preko složenog kadaifa. Peći na temperaturi 190° C 25 minuta.

Dok se kadaif peče prokuhati agdu, tako što šećer stavite u litar vode i kuhati. Pri vremenu kašikom skidajte pjenu, te pustite da vrije dok se ne dobije srednje gusta agda kojoj treba dodati sok ili kriške jednog narezanog limuna i vanili šećer. Topao kadaif prelitи topлом agdom i ostaviti da se ohladi. Ohlađen kadaif sjeći na komade i po želji prije serviranja prelitи sa malo hladne agde.




**AKCIJA**

**Roll Up baner + print**

~~135,00 KM +pdv~~

**99,90 KM**  
+pdv

Poslovna zona Zenica 1  
Tel 032 441 291  
E-mail: info@bpanel.ba  
www.bpanel.ba



**Vodoravno:** 1. Stavljen u arhiv; 7. Vozač skele; 8. Rimovanje; 9. Suženje zjenice; 11. Mjesna zajednica; 12. Active Network Service, skr.; 14. Gorostas iz Biblije; 16. As u kartama; 17. Taktiziranje; 22. Mužička djela koja još nisu izvedena, lat.; 24. Zadnji dio čakšira; 25. Pisar, notar; 26. Rijeka u sjevernoj Bosni; 28. Lagano dirati; 30. Inforbiro, skr.; 31. Vrsta ptice; 32. Zatući; 34. Neotesan čovjek, bez odgoja, tur.; 36. Ispunjavati nečim; 38. Žensko ime; 40. Lična zamjenica; 41. Ukupno, sveobuhvatno, u totalu; 43. Žurnalista; 44. Access Network Design, skr.

**Uspravno:** 1. Ime i prezime ličnosti sa slike; 2. Autooznaka Danske; 3. Vazduh, zrak, grč.; 4. Klizav; 5. Uništavati, ubijati bube; 6. Dugorepa papiga; 10. Iznenadno, nenadano; 13. Kip; 15. Bezbojan, otrovani i eksplozivan plin; 18. Biljka sa bodljama; 19. Infrared Thermal Imaging, skr.; 20. Vrsta zeca; 21. Arapsko pismo; 23. Završiti doradivanjem; 27. Obred; 29. Pamučna ili lanena tkanina, satkana od debljih nit; 31. Donja suknja, fr.; 33. Usko mjesto, uzak prolaz; 35. Tradicionalno bosansko jelo; 37. Model fiatovog automobila; 39. Najveća rijeka u evropskom dijelu Rusije; 42. Mjera za površinu.

**Rješenja iz prošlog broja:** azbuka, dragon, n, kama, arena, ni, dnb, zavada, ada, impetus, h, turbo, lmk, ivar, usmeno, re, niska, iv, orkan, osaka, via, dakar, t, izrael, komi, cage, farma, morlak, ars.

**IMPRESSUM:** Magazin Superinfo izdaje "SUPERINFO" d.o.o. Zenica, Štrosmajerova 11. (zgrada Izgradnje, II sprat), Tel. 032/463-232, www.superinfo.ba; superinfo@superinfo.ba; Reg.br.043-0-Reg-06-002101, Matični broj 1-9625; PDV broj: 21855243000; Direktor Feda Jovanović, Tel. 061/788-088, 063/992-100; finansije Zumreta Tušekić, Tel. 063/992-102; tehnički urednik: Selver Omerović, Tel. 063/522-922; Tiraž izdanja: 20.000 primjeraka; Štampa: Unioninvestplastika d.d. Semizovac bb, Reg. br. 1-17984



U organizaciji Udruženja planinara „Vedro“ iz Zenice, 80 planinara nedavno je obišlo planinu Lisac, na sjeveru zeničke kotline. Neočekivano veliki odaziv ljubitelja planine, jeseni i blagodati boravka u prirodi iznenadio je organizatore, te su krajnjim naporom transportovali učesnike izleta do zeničkog sela Vrselje. „Vodeći se lokomotivom „Vedra“, Nermnom Talamom, tura je išla pokraj Dževadove vode, kroz „borove“, podno Dubovca, tzv. Dilaverovim putem do planinarskog doma PD „Tajan-Lisac“ na Liscu, gdje su domaćini dobrodošlicom, gostoljubljivošću i planinskim čajem

ubranim na padinama planine Lisac, dočekali učesnike, članove Udruženja „Avantur“ iz Sarajeva, PD „Bočica“ iz Kakanja, PSD „Poštar“ Zenica, PD „Tajan-Lisac“ Zenica, PD „Mladost“ Zenica, PD „Tvrtkovac“ Zenica, ekipu stanice Gorske službe spašavanja Zenica, te već redovne učesnike, prijatelje iz turske EUFOR LOT kuće, Murata, Fuata i Yasi-na“, priča nam planinar i ljubitelj prirode Afan Abazović. Naredni izlet „Vedra“ je u kraljevsko i revolucionarno Jajce, u povodu obilježavanja Dana državnosti Bosne i Hercegovine, i to u ponedjeljak, 25. novembra.



## GRIJANJE

[www.grijanjezenica.ba](http://www.grijanjezenica.ba)

Čestitamo  
25. novembar,  
Dan državnosti  
Bosne i Hercegovine

## UDRUŽENJE „DLAN“ ZENICA

### Zenica prva u BiH dobila igralište za osobe sa poteškoćama



Udruženje „Dlan“ Zenica, Kantonalno udruženje roditelja osoba oboljelih od cerebralne paralize mikrocefalije i hidrocefala početkom ovog mjeseca je na Kamberovića polju, kod „Turškog parka“ organizovalo svečano otvaranje dječjeg igrališta za osobe sa poteškoćama. Donatori izgradnje dječjeg igrališta koje je prilagođeno djeci sa poteškoćama su organizacije „Muslim Aid Sarajevo“, USAID i ambasada SAD u BiH, te Općina Zenica koja je ustupila zemljište i dala potrebne dozvole. Izvođač radova bila je turska firma „Alper-Sarajevo“. „Kantonalno udruženje Dlan iniciralo je ovaj



projekat, pronašlo donatore i zajedno sa Općinom Zenica obezbijedilo sve što je potrebno da se projekat i realizuje“, izjavio je Selvedin Dedić, predsjednik

Udruženja „Dlan“. Svečanom činu otvorenja prvog igrališta ovakve vrste u BiH prisustvovali su predstavnici Vlade ZDK na čelu sa premijerom Munibom Husejnagićem i ministrom za obrazovanje, nauku, kulturu i sport Mirkom Trifunovićem, predstavnici Općine Zenica predvođeni pomoćnikom načelnika Općine za društvene djelatnosti Zijadom Softićem, predstavnici donatora, federalnih srodnih udruženja i mnogi drugi.

## OGLAS Na prodaju

Garaža u ulici  
Cakana Mulalića



15.000 KM

Poslovni prostor u ulici  
Bulevar kralja Tvrka



25.000 KM

Kontakt telefoni:  
+387 61 473 430 i +381 20 741 909

**IMATI  
PRIJATELJE  
IMA SVOJE  
PREDNOSTI**

**AKCIJA!!! od 21. 11. do 01. 12. 2013.**

Za uradjene 2 zone fotodepilacije-fotopodmlađivanje **GRATIS**.

Za urađenu sesiju fotopodmlađivanja-Dubinsko UZV čišćenje lica **GRATIS**.

Dovedi prijatelja/prijateljicu i ostvari **POPUST OD 50%**.

Svi tretmani su potpuno bezbolni i klinički bezopasni.

**Probni tretman gratis!**



ul. M. S. Serdarevića 1.  
(kod Kamenog mosta) Zenica  
Tel: 032 200 200  
Pratite nas i na FB!